

ՀԱՅԵՐԻ ՑԵՂԱՍՊԱՆՈՒԹՅՈՒՆԸ ԵՎ ՀՐԵԱՆԵՐԻ
ՈՂՋԱԿԻՋՈՒՄԸ ԱՆԺԽՏԵԼԻ ԻՐՈՂՈՒԹՅՈՒՆ ԵՆ.
ԸՆԴՀԱՆՐՈՒԹՅՈՒՆՆԵՐ ԵՎ ԺԽՏՄԱՆ ՓՈՐՁԵՐ
ԼԱԿՐԵՆՏԻ ԲԱՐՍԵՂՅԱՆ

2000 թվականի ապրիլի 24-ին լրացավ Հայոց ցեղասպանության 85-ամյակը: Այդ նույն օրը Երուսաղեմում հայ համայնքի առջև հայտարարությամբ հանդես եկավ Իսրայելի կրթության նախարար Յոսի Մարիդը: Դիմելով հայ ունկնդիրներին նա ասաց. «Հայկական համայնքի անդամներ, ձեր հիշատակի օրվա առիթով, երբ հավաքված մշում եք ձեր ցեղասպանության 85-ամյակը, միանում եմ ձեզ որպես մարդ, հրեա, իսրայելցի և որպես Իսրայելի պետության կրթության նախարար:

Երկար տարիներ, շատ երկար տարիներ դուք մենակ եք եղել ձեր հիշատակի օրը: Ես գիտակցում եմ ուրիշ իսրայելցիների հետ իմ այստեղ գտնվելու հատուկ նշանակությունը ձեզ համար: Այսօր, գուցե առաջին անգամ, դուք մկազ միայնակ եք զգում ձեզ:

Հայկական հիշատակի օրը պետք է դառնա բոլորիս համար խորհրդածությունների և ինքնադիտողական վերլուծությունների օր: Հոգեկանի որոնման օր: Այս օրը մենք՝ հրեաներս, որպես Շոաի՝ զոհեր, պետք է պարզենք մեր վերաբերմունքը ուրիշների ցավերի հանդեպ: 1915-ին հայերի դեմ բուրքերի իրագործած կոտորածն արդի ժամանակների ամենասարսափելի գործողություններից մեկն էր: Այդ ժամանակների Թուրքիայում Ամերիկայի հրեա դեսպան Հենրի Մորգենթաուն այդ կոտորածները նկարագրել է որպես «արդի պատմության ամենամեծ ոճիրը»:

Ամենաշատ ցնցված մի անձնավորություն, որի ստեղծագործությունը, իր հերթին, շատերին ցնցեց, Պրահայում ծնված հրեա հեղինակ Ֆրանց Վերֆելն էր՝ իր «Մուսա լեռան 40 օրերը» գլուխգործոց վեպով. գիրքը, որը 1933-ին գերմաներեն լույս տեսավ, ցնցեց միլիոնավոր մարդկանց: Այդ ժամանակ Ադոլֆ Հիտլերն էր իշխանության ղեկին: «Մուսա լեռան 40 օրերը» կրակների մեջ նետվեց այլ արգելված գործերի հետ: Գիրքն եբրայերեն թարգմանվեց 1934-ին և էրեց Յիգրայելում մեծ տպավորություն գործեց քաղաքիկ երիտասարդների, այդ թվում նաև ինձ վրա: Ինձ և իմ հասակակիցների համար «... 40 օրերը» նպաստեց մեր բնավորության կազմավորմանն ու աշխարհընկալման ձևավորմանը:

Այսօր Իսրայելում քիչ թվով երիտասարդներ են լսել

ՀՈՂԱԾ-
ՆԵՐ,
ՀԱՂՈՐ-
ԴՈՒՄՆԵՐ



Մուսա լեռան մասին, և շատ քչերը գիտեն Հայոց ցեղասպանության մասին: Գիտեն, թե աշխարհի հայության համար ինչ կարևորություն ունեն հրեաների կեցվածքն ու, հատկապես, Իսրայել պետության դիրքորոշումը ձեր ցեղասպանության հանդեպ: Որպես Իսրայել պետության կրթության նախարար անելու եմ կարելի, որպեսզի այդ կոթողային աշխատանքը՝ «Մուսա լեռան 40 օրերը», վերստին մատչելի դառնա մեր երեխաներին: Ես անելու եմ ամեն ինչ, որպեսզի իսրայելցի երեխաները սովորեն և իմանան Հայոց ցեղասպանության մասին:

Մենք՝ հրեաներս, որպես մահաբեր ատելության գլխավոր գոհեր, կրկնակի պարտավոր ենք զգալուն լինել և ճանաչել մյուս գոհերին: Ով ամտաբեր է դրա նկատմամբ, ով անտեսում է դա, ով հաշվարկներով է շարժվում կամ ով լուռ է մնում, միշտ էլ նպաստում է հանցագործությունն ի կատար ածողին և ոչ թե գոհին:

Յանկյանում եմ, որ այս վսեմ ուղերձը հասնի մեր ուսանողությանը՝ ընդգրկվելով մեր դպրոցների պատմության մոր ծրագրում, որն այժմ մշակվում է: Կուգեմայի այնտեղ տեսնել մի առանձին գլուխ՝ նվիրված ցեղասպանությանը, այդ ահավոր, անմարդկային դաժանությանը: Հայկական ցեղասպանությունը պետք է իր արժանի տեղը զբաղեցնի այդ ծրագրում, որը պատշաճն է հատուցում ձեզանից յուրաքանչյուրի անձնական և, հավանաբար, նաև ազգային հիշողությանը, ձեր ազգի բոլոր անդամների հիշողությանը: Մա մեր պարտավորությունն է հանդես գալ և նաև՝ հանդես գալ»:²

Նույն թվականի մայիսի 12-ին «Ջերուսալեմ փոստ» թերթում լույս տեսավ Լեորա Էրեն Ֆրուխտի «Ողբերգությունն այլևս կուլիսների ետևում չէ» խորագիրը կրող հոդվածը:³ Ինչպես նշում է հոդվածագիրը, նախարարի ելույթն ու ծրագիրը կտրուկ շրջադարձ էր Հայոց ցեղասպանության հանդեպ Իսրայելի ավանդական մոտեցման մեջ, որը, գլխավորապես, թուրքերի ազնկարար առարկությունների հետևանք էր:

Իսրայելում տարիներ շարունակ և այժմ էլ գերիշխում է թուրքական դիրքորոշումը, ըստ որի՝ Թուրքիայում ցեղասպանություն տեղի չի ունեցել: Ի հետևանք այս դիրքորոշման Իսրայելի կառավարության կողմից մշտապես ճնշվել է օսմանյան պետության այդ սև էջերի արծարծումը: Փաստորեն Իսրայելի կառավարության՝ Թուրքիայի հետ սերտ կապեր պահպանելու մտահոգությունը կառավարությանը մղել է խոչընդոտելու Հայոց ցեղասպանության հարցի շուրջ գիտաժողովների անցկացումը, այդ մասին կրթական ծրագրերում հիշատակումը, հեռուստատեսային հեռարձակումները: Իսրայելի «Հեռարձակումների ղեկավար մարմինը» (IBA) քանիցս արգելել է Հայկական ցեղասպանությանն առնչվող ծրագրված հաղորդումների հեռարձակումը, դրանք թվում՝ անգլիական «Անցում դեպի Արարատ» վավերագրական և Երուսաղեմի հին թաղամասում ապրող հայերի մասին պատմող ֆիլմերի ցուցադրումները:

Ներկայումս Շինուի կուսակցության առաջնորդ և Կենսետի անդամ Յոսեֆ (Թոմի) Լապիդը խոստովանել է, որ որպես IBA-ի ընդհանուր տնօրեն, ինքն, այդ ժամանակվա արտգործնախարար Դեյվիդ Բինխեի ճնշման ներքո, արգելել է հայերի մասին վավերագրական մի ֆիլմի ցուցադրումը: Բինխեն պատճառաբանել է, որ Անկարային բարկացնելու դեպքում չի հաջողվի կազմակերպել Սիրիայի հրեաների փախուստը Թուրքիայի տարածքով:

Հատկանշական է, որ 1989-ից սկսած, Վաշինգտոնում Իսրայելի դեսպանատունն ակտիվորեն խաչընդոտել է Հայոց ցեղասպանության հիշատակման օգտին ակնկալվող կոնգրեսականների առաջարկություններին:

Իսրայելի պաշտոնական քաղաքականությունը նույնպես, թեև լռելյայն, պաշտոնական այրերին հեռու է պահել ցեղասպանության հիշատակման միջոցառումներին մասնակցելուց: 1995-ին մախաբար Յաիր Յաքանից հետո Սարիդը երկրորդ քաղաքատիճան անձնավորությունն էր, որ ներկա գտնվեց նման միջոցառման: Նրա հայտարարությունը մեծ աղմուկ քարձրացրեց Թուրքիայում, որին Իսրայելի արտգործնախարարությունը պատասխանեց. «Յավում ենք, որ Սարիդը նման զգայուն մի թեմայի շուրջ որոշում է ընդունել առանց մախօրոք խորհրդակցելու մեզ հետ»:

Իսրայելի նման դիրքորոշումը հասկանալի է: Բայց այդ քաղաքականությունն ունի նաև իր բացասական կողմը. Թուրքիայի կողմնակից լինելով, Իսրայելը, փաստորեն, զաղտնի համաձայնության է գալիս ցեղասպանությունը ժխտող մի երկրի հետ:

«Այո, այստեղ՝ Իսրայելում, Հայկական ցեղասպանության թեման մոռացության մատնելու միտում է եղել, և որոշ իսրայելցիներ պաշտպանում են այդ ժխտողական դիրքորոշումը», նշել է Հոլոքոսթի ճանաչված մասնագետ ու Հոլոքոսթի զոհերի և հերոսների հիշատակության ղեկավար մարմնի՝ «Յադ Վաշեմի» տնօրեն պրոֆ. Եհուդա Բաուերը, որը ողջունել է Սարիդի որոշումը:

«Մեզանում մեղք է համարվել այլ ժողովուրդների ցեղասպանության մասին խոսելը: Դա սրբապղծություն էր: Քեզ համարում էին դավաճան: Նման դիրքորոշումը տհասության տխուր շրջան են համարում և մեր էթնիկական նորմերին անհավատարմություն, - ասել է Բաուերը, եզրակացնելով, - ընդհակառակը, որպես հրեաներ և որպես մարդկային էակներ, մենք ռադիկալոր ենք առավել խորը կարեկցել այլ ժողովուրդների ցեղասպանության զոհերին: Մենք պետք է գիտակցենք, որ դրանով քոլորովին չենք նվազեցնում կամ նսեմացնում մեր Հոլոքոսթի ահավորությունը»:

Մյուս կողմից, «Յադ Վաշեմն» էլ է ողջունել և պաշտպանել Սարիդի հայտարարությունը, նշելով, որ միայն «համեմատության միջոցով կարելի է հաստատել Հոլոքոսթի եզակիությունը»: Ըստ Օրիթ Շիմոնի (Շարոն շրջանի Ռամոթ Հեֆեր դպրոցի ուսուցիչ) ուսանողները, որոնց 1995թ. ցեղասպանություն է դասավանդվում համեմատական ձևով, ըմբռնելով, որ ինչքան հեշտ է մոռացության մատնել ցեղասպանությունը, առավել կարևորում են Հոլոքոսթի մասին անընդհատ խոսելն ու գրելը:

Շիմոնի օգտագործած ուսումնական ծրագիրը, որ 1994թ. մշակել է դոկտոր Յաիր Աուրոն, կոչվում է «Ձգայնություն աշխարհի տառապանքի հանդեպ: Ցեղասպանությունը 20-րդ դարում»: Դրանում քննարկվում է ցեղասպանությունն ընդհանրապես: Կրթության մախկին մախաբար Ամնոն Ռուբինշտեյնի որոշման հիման վրա պատրաստված այդ ծրագիրը հետազայում մերժվել է կրթության մախաբարության հանձնաժողովի կողմից որպես «չհավասարակշռված»: Սակայն ծրագրի կողմնակիցները կասկածում են, որ դրա ետևում թաքնված է թուրքական ճնշումը:

Եթե Սարիդի խոստումն համաձայն Հայոց ցեղասպանությունն ընդգրկվեր ուսումնական ծրագրերում, ապա դասավանդվելու էր որպես ֆակուլտատիվ կուրս՝ մոտ 20 այլ թեմաներով կուրսերի շարքում: Դա

շրջադարձ համարվել չէր կարող, քայց Հայոց ցեղասպանության խնդրում քաղաքականության կտրուկ փոփոխության, մամավանդ, այդ հարցում ազգային տարում վերացնելու նախապայման կարող էր հանդիսանալ: Յավոք՝ ճնշումների տակ Սարիճը ստիպված էր հրաժարվել իր նպատակադրումից, և, փաստորեն, իսրայելցի ուսանողների համար Հայոց ցեղասպանությունը մնում է որպես մոռացված պատմություն:

2000թ. մայիսի 26-ին Անկարայում հրապարակվեց «Մնարք» գործակալության հաղորդագրություն այն մասին, որ Թել-Ավիվը չի ճանաչի Հայոց ցեղասպանությունը, ինչը վկայում է Թուրքիայի կառավարությանն ուղղված Իսրայելի արտաքին գործերի նախարարության պաշտոնական հայտարարությունը:⁴ Իսրայելի արտգործնախարար Դեվիդ Լևին հայտարարել էր, որ 1915-1923թթ. Օսմանյան կայսրությունում Հայոց ցեղասպանության հարցը պետք է քննարկեն պատմաբանները, այլ ոչ թե քաղաքական գործիչներն ու դիվանագետները: Իսրայելը պահպանում է իր նախկին քաղաքականությունը Հայոց ցեղասպանության հարցի առնչությամբ, նշել էր Լևին: Իսրայելի արտգործնախարարը հարկ էր համարել հատկապես ընդգծել, որ այդ հարցի առնչությամբ Իսրայելի երկու նախարարների հայտարարությունները ոչ մի կերպ չեն արտացոլում Իսրայելի կառավարության դիրքորոշումը: Լևինի ուղերձը հարկ է գնահատել որպես Թուրքիայի հետ Իսրայելի բարեկամական հարաբերությունների վերականգնմանը նպատակաուղղված քայլ: Այդ հարաբերություններն, ինչպես հայտնի է, սրվել էին Իսրայելի երկու նախարարների այն հայտարարություններից հետո, թե Թուրքիան պետք է ճանաչի Առաջին համաշխարհային պատերազմի տարիներին էթնիկական հողի վրա իրականացված հայերի զանգվածային սպանությունների փաստը:

Սինույն ժամանակ, չնայած Թուրքիայի հետ այդ հարցի առնչությամբ ծագած տարաձայնությունները վերջնականապես հարթելու մասին իսրայելական աղբյուրների հավաստացումներին, Թուրքիայի դիվանագիտական գերատեսչությունները շարունակում էին պնդել, որ երկու երկրների հարաբերություններում եղած ճգնաժամը դեռևս վերջնականապես չի հաղթահարվել, և որ Անկարան լռորեն է ընդունում Հայոց ցեղասպանության հարցը, ընդամենը ավելացնելով, թե ոչ մի կերպ այդ առնչությամբ հայտարարություններ չէին սպասում Իսրայելի նախարարներից, որոնց դատողությունները կարող են վնասել Անկարայի և Թել-Ավիվի փոխհարաբերություններին: Կողմերի կարծիքով, երկու պետությունները երկար ժամանակ կարող էին վայելել իրենց բարեկամական հարաբերությունները քաղաքական, տնտեսական, մշակութային և ռազմական ոլորտներում համագործակցության շուրջ մի շարք համաձայնագրեր ստորագրելուց հետո, և Իսրայելի համար այնքան էլ նպատակահարմար չէ ինչ-որ երրորդ կողմի պատճառով փչացնել հարաբերություններն իր համար բոլոր տեսանկյուններից շահավետ գործընկերոջ հետ:

Դեռևս 1996թ. ԱՄՆ-ի նախաձեռնությամբ նախապատրաստվում էր 2000 թվականին Եվրոպայի մայրաքաղաքում հրավիրել հրեաների ցեղասպանությանը՝ Հոլոքոստին նվիրված միջազգային խորհրդաժողով: Խորհրդաժողովի նախապատրաստումը կազմակերպվում էր բարձր մակարդակով: 2000թ. հունվարի 26-28-ը Ստոկհոլմում տեղի ունեցած այդ միջազգային խորհրդաժողովին նախորդեցին 1997թ. դեկտեմբերին Լոնդոնում, 1998թ. դեկտեմբերին Վաշինգտոնում կայացած նախապատրաս-

տական խորհրդակցությունները: Հայաստանի Հանրապետությունը, որին, իբր, դեռևս 1996 թվականին տեղյակ էր պահվել Շվեդիայում հրավիրվող խորհրդաժողովի մասին, անհասկանալի պատճառներով չարձագանքեց և փաստորեն, չապահովեց հանրապետության քաղաքական գործիչների ու, գիտնականների մասնակցությունը: Եվ չնայած Հայաստանի և սփյուռքահայության ներկայացուցիչները չմասնակցեցին Ստոկհոլմի միջազգային խորհրդաժողովին, այնուհանդերձ տարբեր երկրների քարձրաստիճան պաշտոնատար անձանց կողմից քարձր ամբիոնից քոլոր ներկաներին պարզ ու հստակ հիշեցվեց Հայոց ցեղասպանության իրողությունը:

Միջազգային խորհրդաժողովին մասնակցած 46 երկրների թվում էր նաև Թուրքիան, որի պատվիրակության ղեկավարն իր գոեռնակությունն էր հայտնել հրավիրված երկրների ցանկից Հայաստանը դուրս թողնելու առթիվ և հպարտորեն արձանագրել, որ «դարերի ընթացքում հալածական հրեաներին Թուրքիան ապաստան է տվել»: Սակայն անակնկալ մատուցվեց թուրքերին, երբ Գերմանիայի պետական նախարար դոկտոր Միքայել Նաումանն իր ելույթում հիշեցրեց 1915թ. մայիսի 24-ին Մեծ Բրիտանիայի, Ֆրանսիայի և Ռուսաստանի կառավարությունների՝ Հայոց ցեղասպանության առնչությամբ հայտարարության մասին: Պետնախարարը հիշատակել է նաև 1918-1920թթ. Ստամբուլում երիտասարդ թուրքերի դատավարությունը և 1919թ. ապրիլի 10-ի՝ Մեհմեդ Զեմալ բեյի մահապատիժը, դրանք որակելով որպես «մարդկության դեմ կատարած ոճրի» համար կայացրած դատավճիռների, պատմության մեջ առաջին օրինակներ:

Խորհրդաժողովում Հայոց ցեղասպանությանն իրենց ելույթներում անդրադարձան նաև Բուլղարիայի նախագահ Պետեր Ստոյանովը, Հոլանդիայի Ցեղասպանության ուսումնասիրման ծրագրի տնօրեն, դոկտոր Բրիստիան Շչեմերը, Շվեդիայի վարչապետ Գորան Պերսոնը: Խորհրդաժողովը կրկին անգամ վկայեց, որ հետզհետև ավելի շատ երկրներ են Հայոց ցեղասպանությունը համարում մի անուրանալի ոճիր, ոչ միայն հայերի ողբերգություն, այլ մարդկային ընդհանուր պատմության անբաժանելի մի մաս:

1999թ. հոկտեմբերին Մեծ Բրիտանիայի կառավարությունը հրապարակեց մի նախագիծ, որով առաջարկվում էր յուրաքանչյուր տարվա հունվարի 27-ը Մեծ Բրիտանիայում նշել որպես հրեաների «ողջակիզման հիշատակման օր»: Ինչպես հայտնի է, հունվարի 27-ը հիշվում է որպես Աուշվից-Բիրկենաու համակենտրոնացման ճամբարի ազատագրման օր, և քրիտանական կառավարությունը մտադիր էր պարբերաբար հասարակայնությանը տեղեկացնել այդ մասին և, ընդհանրապես, դատապարտել ազգային խտրականության դրսևորումները: Բրիտանական կառավարությունն իր նախագծում առաջարկում էր ձեռնարկել լայնածավալ միջոցառումներ, դրանց մասնակից դարձնելով կառավարության պաշտոնյաներին ու հասարակական գործիչներին, կազմակերպել ցուցահանդեսներ, հրատարակել գիտահանրամատչելի գրականություն:

Քանի որ կառավարական այդ փաստաթուղթը նախատեսում էր առաջարկություններ ստանալ միջոցառումների կազմակերպման կառավարությանը, Հայոց ցեղասպանության քանգարան-ինստիտուտն անհրաժեշտ համարեց նույնպես հանդես գալ առաջարկություններով, որոնք գրավոր ձևով 1999թ. նոյեմբերի 30-ին ներկայացվեցին Հայաստանի Հանրապետությունում Մեծ Բրիտանիայի և Հյուսիսային Իռլանդիայի Միացյալ

քազավորության արտակարգ և լիազոր դեսպանին: Հայոց ցեղասպանության թանգարան-ինստիտուտի հղած մամակում, մասնավորապես, ասված էր.

«1. Կառավարության կողմից ներկայացված մախագծում հիշատակվում է միայն «ողջակիզում» տերմինը, կապված մացիստներից տուժած զոհերի հիշատակը հավերժացնելու գաղափարի հետ: Մենք առաջարկում ենք որպեսզի հունվարի 27-ը հռչակվի որպես «Ցեղասպանության և ողջակիզման հիշատակման օր», «ողջակիզում» տերմինի հետ զուգակցելով մակ «ցեղասպանություն» տերմինը:

2. Անհմար է ամտեսել պատմական այն իրողությունը, որ 20-րդ դարի սկզբին, 1915-1923թթ. ընթացքում Օսմանյան Թուրքիայի տարածքում տեղի ունեցավ ոճրագործություն՝ ուղղված իր քնօրրանում ապրող հայ բնակչության դեմ, որի արդյունքում ոչնչացվեցին 1,5 միլիոն հայ:

Թուրքիայի կառավարող շրջանների կանխամտածված ու իրագործված այդ ոճրագործությունը Նյուրնբերգյան դատավարությունից հետո Միավորված ազգերի կազմակերպության կողմից որակվեց որպես ցեղասպանություն: Այս առումով հունվարի 27-ը կարող է դառնալ ոչ միայն ողջակիզման, այլ մակ ընդհանրապես ցեղասպանության հիշատակման օր:

3. Ներկայումս Անգլիայի հայկական համայնքը, ողջ հայ ժողովրդի հետ միասին, յուրաքանչյուր տարի ապրիլի 24-ը համարում է Հայոց ցեղասպանության հիշատակի օր և այն մշում է քազմաքիվ միջոցառումների կազմակերպմամբ: Այս առումով կարելի է հունվարի 27-ին, ընդհանուր միջոցառումների շարքում, մախատեսել մակ միջոցառումներ, որտեղ կդատապարտվի Հայոց ցեղասպանությունը:

4. Հայ ժողովրդի ողբերգության ծանր տարիներին Մեծ Բրիտանիայի մշանավոր պետական և քաղաքական գործիչներն իրենց քողոքի ձայնը բարձրացրին ընդդեմ Օսմանյան Թուրքիայի: Բավական է թերթել Լորդերի պալատի միստերի 1915-1922թթ. արձանագրությունները:

Հայ ժողովուրդը երբեք չի կարող մոռանալ օգնության ձեռք մեկնած անգլիական ժողովրդի լավագույն զավակներին: 1998թ. Երևանում, Մեծ եղեռնի զոհերի հիշատակին կառուցված համալիրում ամփոփվեց լորդ Ջեյմս Բրայսի գերեզմանից (Էդինբուրգ) բերված հողը: Արժանի է հիշատակել, որ միայն 1877-1922թթ. Անգլիայում գործել են հայանպաստ քսաներեք կազմակերպություն և հիմնադրամ:

5. Ողջունելով և ջերմորեն պաշտպանելով Մեծ Բրիտանիայի կառավարության առաջարկությունը, կրկին անգամ կարծում ենք, որ յուրաքանչյուր տարվա հունվարի 27-ի օրվա խորհուրդը պետք է լինի 20-րդ դարի բոլոր ցեղասպանությունների հիշատակումը, որպեսզի համայն մարդկությունը վառ պահի բոլոր այն ժողովուրդների պատմական հիշողությունը, որը պահանջում է 21-րդ դարում ապրել առանց ցեղասպանությունների»:

Ցավոք՝ այդ մամակն անպատասխան մնաց:

2000թ. հունվարի 28-ին լոնդոնյան ամենաազդեցիկ թերթերից մեկը՝ «Դի ինդիպենդենտը», հրապարակեց լրագրող Ռոբերտ Ֆիսքի ուշագրավ, միաժամանակ համարձակ և արևմտյան պետությունների հանդեպ բացահայտ մեղադրականով հողվածը, մվիրված Հայոց մեծ եղեռնին, որը կրում էր «Հիշիր առաջին ցեղասպանությունը» խորագիրը: Հողվածի շարժառիթը

քրիտաճանական կառավարության վերոհիշյալ նախագիծն էր, որն արդեն կյանքի էր կոչվել՝ կառավարության կողմից 2000թ. հունվարի 27-ը հռչակելով հրեաների դեմ մացիստական ցեղասպանության հիշատակի օր:

Հարկ ենք համարում ծավալուն մեջբերումով ընթերցողներին ներկայացնել Ռոբերտ Ֆիսքի հոդվածի կարևոր հատվածները:

«Ո՞վ է հիմա հիշում հայերին», - հարցրեց Հիտլերը եվրոպացի հրեաների ոչնչացումը նախաձեռնելուց անմիջապես առաջ: Շատ քչերը, երևի: Հրեաների դեմ գործադրված մացիստական ցեղասպանության հիշատակի օրվա առթիվ պլոն. Բլերի հայտարարության մեջ ոչ մի խոսք չկար 1915 թվին օսմանյան քուրքերի կողմից մեկուկես միլիոն քրիստոնյա հայերի կոտորածի մասին: Աշխարհում առաջին Հոլոքոսթը և հրեաներին ոչնչացնելու Հիտլերի ներշնչման աղբյուրը ամբողջովին անտեսվեց:

Հետաքրքիր է, ինչո՞ւ: Պրոֆ. Բլերը չնչեց այդ մասին: Միացյալ Նահանգների կառավարությունը նախընտրում է մոռանալ հայերի ցեղասպանությունը, միմյանց քուրքերը՝ Առաջին համաշխարհային պատերազմի վատթարագույն զագանություններն իրականացրած կայսրության ժառանգորդները, ջանասիրաբար ժխտում են ցեղասպանությունը: Եվ մենք նրանց օգնում ենք այդ հարցում:

Հետաքրքիր է, ո՞վ է որոշում, թե ո՞ր ցեղասպանությունը մենք պետք է հիշենք, որը՝ ոչ: Նացիստների կողմից սպանված վեց միլիոն հրեաները միշտ տեղ պետք է գտնեն մեր պատմության, հիշողության և երկյուղների մեջ: Իսկ հայերը, որոնք Հարավային Թուրքիայի գետերում կոտորվեցին, տասնյակ հազարներով սպանվեցին Հյուսիսային Սիրիայի անապատներում և որոնց կանայք և աղջիկները զանգվածային բռնության ենթարկվեցին և դաշունահարվեցին ժանդարմերիայի և նրանց քուրդ ոստիկանների կողմից, տեղ չունեն մեր պատմության կամ հիշողության մեջ: Թուրքիան մեր բարեկամն է: Թուրքիան մի օր կարող է անդամակցել Եվրամիությանը: Թուրքիան Իսրայելի դաշնակիցն է:

Որոշ երկրներում ցեղասպանության ժխտումը ոճրագործություն է: Ես, իհարկե, խոսում եմ հրեական Հոլոքոստի մասին, որովհետև Հայոց ցեղասպանության ժխտումը ոչ միայն կատարյալ օրինակ է, այլև մեծ քիզնես: Թուրքիային գենք վաճառող ամերիկյան ընկերություններից ոչ մեկը չի քննարկի 1915-ի Հոլոքոսթը: Թուրքական կառավարությունը ֆինանսավորում է օսմանյան ուսումնասիրությունների ամբիոններն ամերիկյան համալսարաններում, որտեղ ամերիկացի գիտնականները զարգացնում են այն սուտ միտքը, թե հայերը պարզապես «քաղաքացիական պատերազմի» զոհերն են եղել, և որ քուրքեր էլ են մահացել 1915-ի քառսային իրավիճակում: Նրանք երբեք չեն դատապարտել 1915-ի կոտորածները և դա անում են պահպանելու համար իրենց աշխատատեղերը, հավաստելով, որ օգտագործել են օսմանյան արխիվները:

Այո, քուրքերն էլ մահացան այդ օրերին, բայց ո՞չ հայերի չափով: Ցանկացած մարդ, եթե այսօր գրի, թե հրեաները եվրոպական քաղաքացիական պատերազմի զոհերն էին, և որ «գերմանացիները նույնպես մահացան» այդ օրերին, կհամարվի խելագար կամ մեռնացիստ: Բայց եթե դու ժխտես Հայոց ցեղասպանությունը, ոչ ոք մեծ պիտակ չի կպցնի քեզ:

Վերցնենք, օրինակ, հետևյալ նամակը. «Հայկական Հոլոքոսթի առասպելը ստեղծվեց անմիջապես Առաջին աշխարհամարտից հետո, այն հույսով, որ որպես իրենց տառապանքների փոխհատուցում հայերին տրվի

մի կտոր հող տարանջատվող օսմանյան պետությունում: Այս միտքը առաջ քաշողների գլխավոր նպատակը, ուրեմն, քաղաքական և տարածքային էր»: Այժմ փոխարինեմք հայ և հայկական բառերը հրեա և հրեական բառերով: Ո՞վ կարող է գլուխը հեշտությամբ ազատել, գրելով. «Հրեական Հոլոքոսթի առասպելը» հրեաների հնարած միտքն է իրենց «տառապանքների» դիմաց փոխհատուցում ստանալու ակնկալությամբ»: Ո՞վ կհրապարակի մման սուտը: Բայց վերոհիշյալ մամակը հայերի մասին էր և գրված է թուրք դեսպանի կողմից: Աստված մեզ պահապան, այդ մամակը գրել է Իսրայելում թուրք դեսպան Բարլաս Օզեները և ամբողջությամբ հրապարակել է «Ջերուսալեմ փոստ» թերթը: Սակայն մենք՝ եվրոպացիներս, մույնքան ստախոս ենք: Միայն թե մի փոքր ավելի շրջահայաց, գուցե... Պրն. Բլերն այս շարաք ասաց, որ քանի նացիստական Հոլոքոսթը վերապրողները «ծերանում են և թվով նվազում, մենք առավել պարտավորված ենք հաջորդ սերունդներին պատմելու, թե ինչ է կատարվել և ինչ կախող է կատարվել նորից»: Բայց, մյուս կողմից, չափազանց քիչ հայ վերապրողներ են մնացել: Ինչո՞ւ նրանց ոչ ոք չհարցրեց իրենց հիշողությունների մասին: Մուսա դադուն և հետո նաև Չմյունխայում 1920-ին քրիտանական, ֆրանսիական և ամերիկյան ռազմաճակատները փրկեցին Հոլոքոսթից փրկված հայերի մի փոքր հատվածի: Բայց պրն. Բլերն այս շարաք լռեց այդ մասին: Իսկ լռությունը համաձայնության նշան է: Ես ամբողջովին կողմ եմ նշելու հիշատակի օրերը: Հատկապես հրեական Հոլոքոսթի օրը, նաև, հատկապես, այլ հոլոքոսթների հիշատակի օրերը: Հայոց հիշատակի օրը մույնպես: Բայց Հիտլերի ուղվականն այս շարաք կարող է մի փոքր քմծիծաղել: Ի վերջո, ո՞վ է հիմա հիշում հայերին»:

2000 թվականի դեկտեմբերի 6-ին Մեծ եղեռնի հուշահամալիր և Հայոց ցեղասպանության թանգարան այցելեց Իսրայելի արտաքին գործերի փոխնախարար Նավաֆ Մասալահը (ազգությամբ արաբ): Դիտելով թանգարանի ցուցադրությունը, նա պատվավոր այցելուների մատյանում կատարեց հետևյալ գրառումը. «Այն, ինչ-որ մենք այժմ տեսանք, սարսափելի է և ցնցող: Ոչ ոք չի կարող անտարբեր մնալ դեմ առ դեմ կանգնելով դրա առջև: Ես իմն զգացի հայ ժողովրդի հետ տառապելիս և ցանկանում եմ, որ նա շարունակի ապրել իբրև ուժեղ, անկախ և ազատ ժողովուրդ, որը գոյատևել և կերտել է իր հոյակապ մշակույթը: Հայտնելով մեր անկեղծ ցավակցանքը, մենք կոչ ենք անում աշխարհին, մույնիսկ այսօր, պատշաճ դասեր քաղել անցյալից և ամեն ինչ անել, որ մնացած բաներ երբեք չկրկնվեն»:

Ամերիաժեշտ է նշել, որ 2000 թվականի դեկտեմբերի կեսերից, արդեն ԱՄՆ-ի ճնշմամբ, որակական զգալի տեղաշարժ տեղի ունեցավ Հայոց ցեղասպանության ճանաչման գործընթացում՝ հօգուտ Թուրքիայի:

ԱՄՆ-ի կոնգրեսի օրակարգից Հայոց ցեղասպանության հարցի քննարկումը հետաձգելուց հետո, պաշտոնական Վաշինգտոնը ձեռնարկեց մշակել հարցի նկատմամբ նոր դիրքորոշման մարտավարություն, ակտիվ միջամտությամբ փորձելով կանխել մի շարք երկրների խորհրդարաններում այդ ուղղությամբ նախապատրաստված, հավանաբար դրական լուծումներ ստացող հարցի քննարկումները:

Թուրքիայի հետ ռազմական, տնտեսական և քաղաքական համագործակցություն զարգացնող երկրները կտրուկ շրջադարձ կատարեցին: Մեծ Բրիտանիայի լորդերի պալատում, Գերմանիայի և Ավստրիայի խորհրդարաններում օրակարգից հանվեցին Հայոց ցեղասպանության դա-

տապարտման հարցը:

Սովորաբար Հայաստանի Հանրապետությունում հավատարմագրված դիվանագետներն իրենց առաջնահերթ խնդիրն են համարել այցելել Հայոց Մեծ եղեռնի զոհերի հիշատակին կանգնեցված հուշահամալիրը և դիտել Հայոց ցեղասպանության քանդարանի գիտական ցուցադրությունը: Քաղաքավարության այդ այցելությունը չկատարեց Հայաստանում Իսրայելի նորոգմա դեսպանը և դեսպանատան աշխատակազմը:

2002թ. փետրվարի 8-ին Վրաստանում և Հայաստանում Իսրայելի դեսպան Ռիկվա Կոհենը Երևանում հայկական հեռուստատեսությամբ իր առաջին ճեպագրույցում, կրկնելով Իսրայելի արտաքին գործերի նախարար Եհոն Պերեսի հանրածանոթ խոսքերը, Հայոց ցեղասպանությունն անվանեց «աղբերակություն, որով պատմաբանները պիտի զբաղվեն», ունկնդիրներին հորդորելով չհամեմատել այն հրեական Հոլոքոսթի (ողջակիզման) հետ:

«Հոլոքոսթը եզակի երևույթ է, քանի որ եղել է միշտ ծրագրված և նպատակ է ունեցել ոչնչացնել ամբողջ ազգը: Այս փուլում չարժե որևէ բան համեմատել Հոլոքոսթի հետ», - ասել է տիկին Կոհենը: Պատահական չէր, որ դեռևս 2001թ. դեկտեմբերի 20-ին Վրաստանում և Հայաստանում Իսրայելի դեսպանության երկրորդ քարտուղար Հադի Բլեյմանը հանդես գալով Երևանում կազմակերպված բրիֆինգում հանդես եկավ սադրիչ հայտարարությամբ: Հերքելով Հայոց ցեղասպանության փաստը, նա հայտարարեց, թե «Իսրայելը ճանաչում է հայ ժողովրդի կրած տառապանքները, այնուամենայնիվ, կարծում ենք, Հայոց ցեղասպանության հարցի քննարկումն այս փուլում պետք է սկսեն պատմաբանները և ճշտեն, թե հատակ ի՞նչ, ե՞րբ, որտե՞ղ է տեղի ունեցել: Կարծում են, այսօրվա դրությամբ դժվար թե օգտակար լինի այս հարցը խառնել քաղաքականությանը: Ավելի լավ է դա մնա որպես կարևոր, բայց ակադեմիական հարց»:

Իսրայելի դեսպանի հայտարարությունն առաջ բերեց հայրենիքում և սփյուռքում բնակվող հայերի արդարացի բողոքը: 2002թ. փետրվարի 15-ին Հայաստանի Հանրապետության արտգործնախարարությունը դեսպան Ռիկվա Կոհենի հայտարարության կապակցությամբ բողոքի նոտա հղեց Իսրայելի արտգործնախարարությանը: Նոտայում, մասնավորապես, ասվում էր, որ Հայաստանն անընդունելի է համարում Հայոց ցեղասպանության իրողությունը հերքելու կամ մեղադրելու ցանկացած փորձ՝ ինչ պատճառաբանությամբ էլ դա արվի: Ավելին, Հայաստանը երբեք նպատակ չի ունեցել զուգահեռներ անցկացնել Հայոց ցեղասպանության և հրեական Ողջակիզման միջև, համարելով, որ մարդկության հանդեպ գործած ցանկացած հանցագործություն «եզակի» է՝ իր ուրույն քաղաքական, իրավական, պատմական և բարոյական հետևանքներով:

2002թ. փետրվարի 18-ին Իսրայելի արտգործնախարարությունը Հայաստանի արտգործնախարարությանը տվեց հետևյալ պատասխանը. «Իբրև հրեաներ և իսրայելցիներ՝ մենք ցավում ենք հատկապես 1915-1916 թվականների տեղի ունեցած սպանությունների և դժբախտությունների համար: Մենք հասկանում ենք երկու կողմերի զգացմունքների պոթկությունները, գիտենք, որ եղել են մեծ թվով զոհեր և տեղյակ ենք հայ ժողովրդի կրած մեծ տառապանքին:

Այս թեմայի հետազոտությունը պահանջում է հասարակության լայն խավերի մասնակցությամբ մեծ քննարկում, պատմաբանների երկխոս-

սություն, որոնք հիմնված կլինեն փաստերի և վկայությունների վրա»: Ապա Իսրայելի արտգործնախարարությունն իր պատասխանում ընդգծել է, որ Հոլոքոսթը եղել է ծրագրված և եզակի երևույթ մարդկության պատմության մեջ, և որ «Իսրայելը ճանաչում է հայերի ողբերգությունը և հայ ժողովրդի սպանողը, սակայն, այդուհանդերձ, պետք չէ այն համեմատել ցեղասպանության հետ և դա բնավ էլ չի նվազեցնում ողբերգության մեծությունը»:⁸ Ի դեպ՝ այդ պատասխանում Իսրայելի արտգործնախարարությունն առանձնահատուկ նշել է Թուրքիայի հետ Իսրայելի ունեցած ջերմ հարաբերությունների փաստը:

«Յմեք» իսրայելական լրատվական գործակալությունն ամփոփապես հանդես եկավ «Իսրայելի դեսպանը մերժել է զուգահեռներ անցկացնել Հայոց ցեղասպանության և հրեաների ցեղասպանության միջև» խորագիրը կրող հաղորդագրությամբ, որը, հիմնականում, Իսրայելի արտգործնախարարությանը հղած Հայաստանի արտգործնախարարության բողոքի նոտայի անդրադարձն էր: Այս հաղորդագրությունից հետո իսրայելական լրատվական գործակալությունը ստացավ միջադեպի կապակցությամբ իրենց կարծիքն արտահայտող երեսուներկու իսրայելցիների մամակներ:⁹ Դատելով այդ մամակներից հետաքրքրական է դիտարկել, քե ի՞նչ զիտեն իսրայելցիները Հայոց ցեղասպանության մասին և ինչպիսի՞նք է նրանց վերաբերմունքը խնդրո առարկա հարցի շուրջ Իսրայելի կառավարության քաղաքականության հանդեպ:

Միայն եինգ իսրայելցի են Հայոց ցեղասպանությունը համարում ողբերգություն և սպանո, քացատրելով, որ դա չի եղել ծրագրված. քացակայել է ցեղասպանության գաղափարախոսությունը, այն հետևանք է հայերի ու թուրքերի միջև եղած հակամարտության: Նրանց կարծիքով, թուրքերն ուժգին ատելություն չեն տածել հայերի նկատմամբ, և Օսմանյան Թուրքիայում ապրել են տասնյակ ժողովուրդներ, որոնց նկատմամբ առհասարակ ռասայական ճնշում չի գործադրվել: Այդ պատճառով էլ նրանք ճանաչում են միայն հրեական ցեղասպանությունը, որը գերմանացիների հարյուրամյա ատելության դրսևորումն էր. «Հայերի սպանող չի եղել մասաչուս ծրագրված: Կա միայն մեկ ցեղասպանություն...»:

Մի քանի մամակագիրներ, շեշտելով Հոլոքոստի զոհերի թիվը, քննադատել են երկու ցեղասպանությունների միջև զուգահեռներ անցկացնողներին: Ամերիկայի Միացյալ Նահանգներից մի հրեա գրում է. «Զգվելի է, որ մեր մեծ ցեղասպանությունը շահարկվում է քաղաքական նպատակներով»: Իսրայելցիներից մեկի գայրությոը հասել է ցինիզմի. «Իմ ցեղասպանությունն ավելի մեծ է... Իսկ իմ հայրիկն էլ ավելի ուժեղ է՝ ուղղակի հրետանավոր է: Հիմարներ, կշտացրել եք զգվելու աստիճան» (Խուրան):

Հայոց ցեղասպանությունը ժխելու համար Իսրայելի կառավարությանն ու արտգործնախարար Շիմոն Պերեսին մեղադրել են 22 իսրայելցի: Միա նրանցից մեկի խոսքը. «Դեսպանը ներկայացնում է Իսրայելի կառավարությանը, հետևաբար բնական է, որ պետք է հիմար խոսքեր ասեր: Իսրայելի բոլոր նախարարներն են հիմարություններ խոսում և ամոքայի արարքներ գործում, իսկ դուք բարեկիրք դեսպա՞ն եք պահանջում»: Իսկ մի ֆրանսիացի հրեաի՝ Օր Սողոմոնի կարծիքով՝ «Հրեաների համար բարոյական արժեքներ այլևս գոյություն չունեն»:

Կարծիքների մեջ գերիշխող է հետևյալ միտքը. «Իսրայելը ցեղասպանություն ժխտող պետություն է, որը մենաշնորհ է ցանկանում նույնիսկ

ցեղասպանության հարցում՝ Հոլոքոսը համարելով եզակի երևույթ և այն գործածում որպես գեներ» (Օրեն): Իսրայելցիների համոզմամբ, էական չէ ցեղասպանության ծրագրված լինելը, հայերի ցեղասպանության ժխտումը դատապարտելի է. «Պետք է բարձրաձայն գոչել, որ որևէ տարբերություն չկա ցեղասպանությունների միջև, եթե նույնիսկ դա վնասի Թուրքիային՝ կազինոների պետությանը» (ամուրը չի նշված): «Իսրայելի կառավարությունը նախընտրում է դիվանագիտական սառը հաշվետվությունը, քան պետության պատիվն ու բարոյականությունը»: «Եթե Գերմանիայի դաշնակիցները հանկարծ հայտարարեն, որ Հոլոքոսը չի եղել, ինչպե՞ս մենք դա կընդունենք» (Տալ):

Իսրայելի արտգործնախարար Շիմոն Պերեսին ուղղվել են սուր խոսքեր՝ քննադատելով արտգործնախարարության պատասխանը Հայաստանին: «1,5 մլն գոհը ցեղասպանություն է և այն էլ ինչպիսի» (Յանել):

Դիպուկ է իսրայելցիներից մեկի հարցադրումը՝ «Արդյոք թուրքերը մեզ վերաբերվո՞ւմ են նույն հոգածությամբ», նշելով, որ իսրայելա-պաղեստինյան խնդրում թուրքերը պաշտպանում են պաղեստինցիների շահերը և ոչ թե իսրայելցիների, իսկ վերջիններս թուրքերի պաշտպանն են և այն էլ՝ ցեղասպանություն ժխտելու զնով (Տալ):

Հատկանշական է մեկ այլ իսրայելցու՝ Դանիելի մամակն այն մասին, որ Իսրայելին բնավ ձեռնտու չեն դիվանագիտական մաման միջադեպերը, և որ. «...չպետք է մոռանալ, թե ով է սպանել հայերին, հիմա մենք հայերի ընկերներն ենք և պարտավոր ենք հարգել նրանց և ոչ թե գործել հոգուտ մեզ: Տարածաշրջանում մենք առանձնապես շատ բարեկամներ չունենք»:

Իսրայելցիների այդ կարծիքներից կարելի է եզրակացնել, որ չափազանց աղքատ են նրանց զիտելիքները Հայոց ցեղասպանության մասին, նրանք աղոտ պատկերացում ունեն Օսմանյան Թուրքիայի որդեգրած հայատյաց և ազգի բնաջնջման ծրագրված քաղաքականության մասին, որը սկսվելով Արևմտյան Հայաստանից տարածվելու էր մինչև Արևելյան Հայաստան: Մյուս կողմից՝ ցավալի է, որ նրանց մեջ կարծիք է ձևավորվել, թե հայերը մպատակ ունեն զուգահեռներ անցկացնելու երկու ցեղասպանությունների միջև, որը ճշմարիտ չէ և, առհասարակ, դեմ է մեր մտածողությանը: Իսկ Իսրայելի արտգործնախարարության դեմ նրանց արտահայտած կարծիքները, ինչ խոսք, հուսադրող են, քանզի Իսրայելի նոր սերունդը փորձում է ազատվել բացառիկության բարդությից և պետության պատիվն ու բարոյականությունը բարձր է դասում դիվանագիտական շահամետ հարաբերություններից:

Իսրայելի պահվածքը ոգևորեց առաջին հերթին թուրքերին, որոնք նոր եռանդով փորձում են ժխտել Հայոց ցեղասպանության փաստը: Թուրքական մամուլը լայնորեն արձագանքեց հայ-իսրայելական զարգացումներին: Թուրքական թերթերից շատերն այս կապակցությամբ լուրջ «ճգնաժամ» էին կանխատեսում Հայաստանի և Իսրայելի հարաբերություններում:

Թուրքական «Ռադիկալ» թերթը, մեկնաբանելով Հայաստանի արտգործնախարարության բողոքի նոտան և Իսրայելի արտգործնախարարի այցի հետաձգումը, գտնում է, որ Հայաստանի դիրքորոշումը ցեղասպանության ճանաչման հարցում խիստ կարծրացել է, քանի որ Հայաստանի արձագանքն անցած տարի Անկարայում քրիտանական դեսպանատան մամատիպ հայտարարությունների հանդեպ նույնը չէր: Թերթը նշում է, որ

Իսրայելի հասարակական շրջանները հիմնականում զերծ են մնում «հայերի հետ կապված իրադարձությունները որպես ցեղասպանություն որակելուց»: Թերթը հերթականությամբ քվարկում է Հայոց ցեղասպանության իրողությունը մերժելու ուղղված թուրքական բոլոր «փաստերը», քննադատության ենթարկելով Հայոց ցեղասպանությանը մվիրված Վ. Տատրյանի գիտական աշխատությունները: «Ռադիկալը» ուշադրություն է դարձնում հատկապես այն հանգամանքին, որ հայերը «չեն կոտորվել առանց դիմադրության, այլ 1890թ. ի վեր քաղաքական պայքարի ամենատարբեր միջոցներով փորձել են իրականացնել անկախության իրենց ձգտումներն ու դավաճանել Օսմանյան կայսրության շահերին»:

«Ռադիկալը» հիշատակում է նաև Լոնդոնում կայացած մի կոնֆերանսի մասին, որտեղ զեկուցող Մարկ Լևենին նշել է, թե 1950-2000թթ. տեղի է ունեցել մոտ 50 ցեղասպանություն. դրանց մեջ ընդգրկված են նաև միանգամից մեծ քվով քաղաքացիական անձանց սպանության փաստերը: Նույն մոտեցման դեպքում, ըստ «Ռադիկալի», կարելի է քերել ևս 50 ցեղասպանության օրինակ, որոնք կատարվել են 1900-1950թթ.: Լևենին գտնում է, որ մեկ դարի ընթացքում տեղի ունեցած 100 ցեղասպանություններից առաջինը տեղի է ունեցավ դեռ բալկանյան պատերազմների օրոք, թուրքերի դեմ:

Վերջում «Ռադիկալը», անդրադառնալով Հարավսլավիայի մախկին մախագահ Միլոշևիչի դեմ դատավարությանը, նշում է, որ ցեղասպանության մեջ մեղադրանքը վերաբերում է ոչ թե հարավսլավական պետությանը, այլ նրա մախկին ղեկավարներին: «Իրավունքը վաղուց է ցեղասպանության մեջ պետության պատասխանատվությունը մերժում, այնպես որ Հայ դատն այդ առումով զուրկ է որևէ հիմքից», - եզրահանգում է «Ռադիկալը»:¹⁰

Իսրայելի արտաքին գործերի նախարար Շիմոն Պերեսին հատուկ նամակ է հղել Երուսաղեմի «Հոլոքոսթի և Ցեղասպանության» ինստիտուտի տնօրեն, «Ցեղասպանության հանրագիտարանի» գլխավոր խմբագիր, պրոֆեսոր Իսրայել Չարնին: Միաժամանակ նա նամակներ է հղել Իսրայելի արտաքին գործերի փոխնախարար Միխայել Մելխիորին և Հայաստանում Իսրայելի դեսպան Ռիկվա Կոհենին: Արտահայտելով Հայոց ցեղասպանությունը ժխտելու նրանց դիրքորոշման վերաբերյալ իր կարծիքն ու մտահոգությունը, նա գրել է. «Իբրև հրեա և իսրայելցի ես խորապես ամաչում եմ Հայոց ցեղասպանությունը ժխտելու ձեր դիրքորոշման համար: Հայոց ցեղասպանության ժխտումը համարժեք է Հոլոքոսթը ժխտելուն»:¹¹

Չարնին Իսրայելի արտգործնախարարության ուշադրությունն է հրավիրում 2002 թվականի փետրվարի 28-ին Եվրախորհրդարանի նիստում Հայոց ցեղասպանության ճանաչման մասին երկրորդ որոշման վրա, որոշում, որը ցնցեց Թուրքիայի պատվիրակությանը: Պրոֆեսորը նաև հիշատակում է Հոլոքոսթի 126 մասնագետների՝ Հայոց ցեղասպանության ճանաչման մասին 2000թ. հայտարարությունը: Չարնիի համոզմամբ, մույնիսկ Իսրայելի համար ամենադժուր ու ծանր օրերին, երբ կարևոր է հարևան Թուրքիայի աջակցությունը, հրեա ժողովուրդը չի կարող շրջանցել Հայոց ցեղասպանությունը ճանաչելու հարցը, որը պատմական ու բարոյական խնդիր է բոլոր ազգերի համար:

* * *

Հայերի ցեղասպանությունը և հրեաների ողջակիզումն անժխտելի պատմական իրողություն են: Այսօր պատմաբանների երկու հակադիր խմբեր փորձում են մի կողմից՝ ընդհանրություններ գտնել երկու ժողովուրդների ցեղասպանությունների միջև, մյուս կողմից՝ ժխտել իրողությունը: Այս առումով անհրաժեշտ ենք համարում անդրադառնալ այդ հիմնախնդրին, որը շատ հարցերում մոր լույս է սփռում հայ-խորալեական հարաբերությունների պարզաբանման վրա:

Ի տարբերություն վաղ դարաշրջանների կոտորածների, 20-րդ դարում, երբ իշխող գերագայնական վերնախավերն օժտված էին չտեսնված մեծ կարողություններով և մրանց տնօրինության տակ էին գտնվում մարդկանց մասսայական ոչնչացման հզոր միջոցներ, ցեղասպանությունների երևույթներն ունեն մի շարք առանձնահատկություններ: Այդ առանձնահատկությունները հատկապես դրսևորվում են՝

1. կազմակերպչական յուրահատկությամբ.
2. ծրագրավորմամբ, պլանավորմամբ և ժամանակի ընտրությամբ.
3. բյուրոկրատական արդյունավետությամբ և համապարփակվածությամբ.
4. տեխնոլոգիական կարողությամբ.
5. գաղափարախոսության անհրաժեշտությամբ:

Այս հինգ բնութագրումներն էլ ամկա էին և՛ հայերի, և՛ հրեաների ցեղասպանության պարագայում:

Վերոհիշյալ առանձնահատկությունները հիմնականում պետական մեքենայի արդիականացման արդյունք ու հետևանք էին:

Տեխնոլոգիական միջոցներով զինված լինելը ու դրանց օգտագործման լայն հնարավորությունները, գաղափարապես հագեցած կազմակերպական ցանցն ամբողջատիրական այնպիսի միջավայր են ստեղծում, երբ զոհերի համար փրկվելու հույս զրեթե չի մնում: Այս չափանիշները տարբեր ժամանակներում գործեցին և՛ Օսմանյան Թուրքիայում, և՛ նացիստական Գերմանիայում: Երկու ցեղասպանությունների դեպքում էլ կարևորվում էր ժամանակի գործոնը. դրանք իրագործվել են պատերազմի ընթացքում, երբ արտաքին միջամտությունը զրեթե անհնար էր:

Առաջին համաշխարհային պատերազմի հենց սկզբից Թուրքիան, դաշնակցելով Գերմանիայի հետ, առաջին հերթին նպատակ էր հետապնդում դրա միջոցով ռազմական, տեխնիկական և տնտեսական օգնություն ձեռք բերել: Գերմանիայի ազդեցությամբ էլ Թուրքիայում ձևավորվեցին իր ժամանակի իշխող վերնախավի գաղափարախոսությունը և քաղաքականությունը: Դրա լավագույն ապացույցն էր քուրդ առաջնորդների՝ փաստորեն պանգերմանիզմի կրկնօրինակումը հանդիսացող պանթուրքիզմի գաղափարախոսության որդեգրումը:

Ներկայումս պատմագիտական հետազոտությունների և արխիվային նյութերի ուսումնասիրությունների հիման վրա համոզված կարելի է ասել, որ միայն ու միայն Գերմանիան էր կարող Թուրքիայի վրա ճնշում գործադրել՝ կասեցնելու հայկական կոտորածները, որը սակայն նա գիտակցաբար չարեց: Կես դար չանցած Գերմանիան ինքը սկսեց հրեաների ջարդը: Հայկական և հրեական ցեղասպանությունները որոշակի ընդհանրություններ ունեն, որոնք բխում են Օսմանյան և Գերմանական կայս-

րությունների սոցիալ-տնտեսական և ռազմա-քաղաքական կացությունից:

1984 թվականին իր հոդվածներից մեկում, որը կրում է «Յեղասպանություն և հերքում. հայկական փորձ» խորագիրը¹², ամերիկահայ նշանավոր պատմաբան Ռիչարդ Հովհաննիսյանը, անդրադառնալով հայերի և հրեաների ցեղասպանությունների դատապարտման և ճանաչման խնդիրներին, անհրաժեշտ է համարում նշել, որ հետմաքիստական Գերմանիան, չնայած ընդունեց նախկին կառավարության մեղավորությունը և ձեռնարկեց զանազան փոխհատուցվող գործողություններ, այնուամենայնիվ չճանաչեց անհերքելի փաստերով հաստատված ոճրի համդեպ իր մեղավորությունը: Մակայն հայտնի է, որ գերմանական կառավարությունը, իր կամքով, թե ստիպողաբար, հատուցում վճարեց հրեական կոտորածների վերապրողներին, զոհերի ընտանիքներին և Իսրայելի պետությանը: Այն շարունակվում է մինչև այժմ: Բացի այդ՝ հրեաների ողջակիզման պատմությունը տեղ գտավ Գերմանիայի ուսումնական ծրագրերում, գրականություն մեջ, այդ թեման արծարծվում էր հենց Գերմանիայում կայացած քաղաքիվ գիտաժողովներում:

Ինչպես միանգամայն ճիշտ նկատել է Ռ.Հովհաննիսյանը, նույնը չի կարելի ասել հայերի ցեղասպանության մասին, որը ո՛չ քացահայտորեն ընդունվեց և ո՛չ էլ արդարացման ու փոխհատուցման արժանի դարձավ: Ընդհակառակը, հայերի ցեղասպանության քննարկումները խափանող թուրքական կառավարության բոլոր ճիգերն աննախադեպ չափերի հասան: Պատճառը, թուրքական տեսանկյունից, անշուշտ քաղաքական էր, քանի որ դեռևս գոյություն ունի պահանջատիրությամբ հանդես եկող աշխարհով մեկ սփռված հայերի փոխհատուցում ակնկալող մի մեծ հատված:

Հայերի ցեղասպանությունը ճանաչելու, ֆինանսական և, նույնիսկ, տարածքային փոխհատուցում պահանջելու խնդիրները և անցյալում կատարած ոճրագործության քողարկման փորձերի դատապարտումը մեծապես անհամապատասխան է Թուրքիայի կառավարությանը: Քաղաքական այդօրինակ մոտեցումը վկայում է այն արմատական տարբերությունների մասին, որ գոյություն ունեին Առաջին համաշխարհային և Երկրորդ համաշխարհային պատերազմների ժամանակ տեղի ունեցած Հայոց Յեղասպանության և հրեաների ողջակիզման միջև:

Երկու ժողովուրդների ողբերգությունների միջև անհերքելի գուգահեռների և ընդհանրությունների փաստը նկատի ունենալով Թուրքիան ակտիվորեն ձգտում է տարանջատել հայկական և հրեական պրոբլեմները՝ դրանով իսկ սեպ խրելով երկու ժողովուրդների միջև, մեծ համակրանք ցուցաբերելով «ճշմարիտ ջարդի» (ողջակիզման) զոհերի ու վերապրողների հանդեպ, մերժելով հայկական կոտորածների փաստը՝ որպես «դարի մեծագույն կեղծիք»:

Հայտնի է, որ ողոշ հակասեմիտական խմբեր ողջակիզման փաստը կասկածի տակ են առել, այնուամենայնիվ, աշխարհը եվրոպական հրեաների ոչնչացումն ընդունում է որպես իրողություն:

Հրեական ողջակիզման ուսումնասիրությամբ զբաղվող գիտնականները գտնում են, որ անհրաժեշտ է նկատի ունենալ շուրջ տասը պարագա, որոնք, անգամ ձևով, գուգահեռներ են ծնում ողջակիզման և հայկական ցեղասպանության միջև:

1. Ողջակիզումից փրկված հրեաները, որպես գաղթականներ, սփռվեցին ամբողջ աշխարհով մեկ:

2. Վերապրողները, չունենալով ինքնուրույն պետականություն կամ կառավարություն, ստիպված էին տարիներ շարունակ պայքարել իրենց ֆիզիկական և տնտեսական գոյությունն ապահովելու, սահմանափակ համայնական միջոցներով դպրոցների և հոգևոր կենտրոնների նոր ցանց ստեղծելու և ազգային կրոնական ժառանգությունը, որքան հնարավոր է, պահպանելու համար:

3. Չկար հրեական անկախ ազգային պետականություն, և դաշնակից պետությունները, վերապրողներին օգնելուց հուսահատված, հրաժարվեցին հրեական հարցից:

4. Հրեական համայնքները զրկված էին ազգային պետականությունից, ղեկավարությունից և խթանիչ գործոններից:

5. Պետականության բացակայության պայմաններում նույնիսկ՝ որոշ միջոցներ հատկացվեցին ողջակիզմանը վերաբերող նյութերի հավաքման և ուսումնասիրության նպատակով հետազոտական ինստիտուտներ և այլ մարմիններ հիմնելու համար:

6. Հյուրընկալող պետությունների վրա ազդեցություն գործելու կամ ողջակիզման հետ առնչվող շարժակալների, հեռուստատեսային հաղորդումների, ուսուցողական ծրագրերի միջոցով հաջողության հասնելու համար հրեա վերապրողների և զաղթականների թիվը քաղաքական և ֆինանսական ազդեցության ոլորտում բավական փոքր էր ու անբավարար:

7. Վերապրողները, ցեղասպանության հիշողություններով ու անջնջելի մանրամասներով, վերջնականապես հեռացան ասպարեզից. նրանց երեխաներն ու թոռները մասամբ ենթարկվեցին ուժացման և անկարող եղան ճշարտացիորեն վերարտադրել փրկվածների փորձությունները կամ հերքողներին հակադրվել անձնական վկայություններով:

8. Գերմանական կառավարությունը, արհամարհելով դաշնակից տերությունների կողմից սկզբնապես իրեն պարտադրած հաշտության խիստ պայմանները, կնքեց խաղաղության նոր համաձայնագիր, որը վերապրողների համար, նույնիսկ ցեղասպանության պաշտոնական ճանաչմամբ հանդերձ, բացառում էր որևէ փոխհատուցում: Դրանով իսկ գերմանական կառավարությունը հրաժարվեց նախկինի գործողությունների համար պատասխանատվությունից:

9. Միջազգային հարաբերություններում Գերմանիային վերագրվող աշխարհաքաղաքական, ռազմական և տնտեսական մարտավարության արժեքը բավական մեծ էր, որպեսզի օտարերկրյա կառավարությունները արհամարհեին նրա դեմ ազդարարվող հրեական կոչերը: Նրանք նույնիսկ մասնակցում էին ցեղասպանությունը քողարկելու ձեռնարկումների՝ փորձելով բավարարել Գերմանիայի պահանջները, միաժամանակ մպատակ ունենալով կասեցնել նրա դեմ ուղղված քշմանական հայտարարությունները, որոնք կարող էին վնաս պատճառել Գերմանիայի և դաշնակից պետությունների հարաբերություններին:

10. Գերմանական հարցերով զբաղվող օտարերկրյա ուսանողների, գիտնականների և պաշտոնյաների արդի սերունդը մպատակ ունի Գերմանիան ներկայացնել որպես նոր, առաջադեմ, ժողովրդավար պետություն՝ դրանով իսկ փոքր ի շատե մեղմացնելով Գերմանիայի՝ մեծ գ ու անարդար դահճի և հրեասպանի համբավը: Նման հանգամանքներում հրեա ժողովուրդը պետք է հանդիպեր նույնպիսի անտարբերության, ինչպիսին վիճակված էր հայերին, որոնք ջանում էին իրենց իրավունքները պաշտպա-

նել ընդդեմ համաշխարհային կարծիքի:¹³

1987 թվականին հրեա աստվածաբան Ֆրանկլին Լիթելն իր «Ողջակիզում և ցեղասպանություն. հիմնական զարգացումը» հոդվածում անդրադարձնելով մացիստների կազմակերպած հրեաների ողջակիզման պատմությանը և այն դիտելով որպես մի անմախաղեպ իրողություն, գտնում էր, որ այն քրիստոնեական հավատի ճգնաժամի արդյունքն էր:¹⁴

Ֆ. Լիթելն ուսումնասիրողներից առաջիններից էր, որ կատարելով համեմատական ուսումնասիրություններ, փորձեց ընդհանրություններ և մասնություններ գտնել հրեաների ողջակիզման և հայերի ցեղասպանության միջև: Եթե գերմանական մացիստները հակասեմիտական քաղաքականության հետևանքով 1939-1945 թվականների ընթացքում դաժանորեն ոչնչացրեցին վեց միլիոն հրեա, մեկնաբանում է մա, ապա 1894-1896 թվականներին Արդուլ Համիդը ոչնչացրեց 300 000 հայ, իսկ երիտասարդ թուրքերն, օգտվելով Առաջին համաշխարհային պատերազմից, վերացրեցին մեկ միլիոն 600 հազար հայի: Ֆ. Լիթելի եզրահանգումն այն է, որ հրեա ժողովրդի 60 տոկոսը ոչնչացվեց քրիստոնեական աշխարհի ճգնաժամի պատճառով, իսկ Օսմանյան «Արբազան մահմեդական կայսրության» հոգևորքի հետևանքով վերացավ հայ ժողովրդի 60 տոկոսը:

Անդրադառնալով Հայոց ցեղասպանության կազմակերպման հարցերին, Ֆ. Լիթելը առանձնահատուկ տեղ է հատկացնում գերմանական գործունի, մատնանշելով գերմանական ռազմական այն գործիչներին, ովքեր երիտթուրքերին մեծապես աջակցեցին ցեղասպանությունն իրագործելու ընթացքում: Գերմանական շտաբի այդ քարճրաստիճան սպաներից շատերը հետագայում խոշոր դեր խաղացին երրորդ Ռայխում: Դրանց շարքում Ֆ. Լիթելը հիշատակում է գեներալ-մայոր Ֆրիդրիխ Բոնսարթ ֆոն Եելենդորֆին, որն Առաջին համաշխարհային պատերազմի վերջում կազմակերպեց երիտթուրքերի յոթ գլխավոր ղեկավարների փախուստը: Այդ տարիներին էր, որ գեներալ-լեյտենանտ Հանս ֆոն Սեքքը մի առիթով ասել էր. «Յուրաքանչյուր ոք, ով քրիստոնեական, զգացմունքային և քաղաքական վերաբերմունք կցուցաբերի հայերի հանդեպ, պատերազմական անհրաժեշտությունից ելնելով, կանհետանա»:¹⁵ Ինչպես հայտնի է մույն գեներալ Սեքքը հետագայում՝ Վայմարի տարիներին, դարձավ գերմանական քանակի վերակառուցման պատասխանատու կազմակերպիչներից մեկը:

Ֆ. Լիթելը հայերի և հրեաների ցեղասպանությունների ընդհանուր մասնակիցներից հիշատակում է գեներալներ Ֆրանց ֆոն Պապենին, Ալֆրեդ Յոդին, Կարլ Դյոմիցին, Կոնստանտին ֆոն Նեյուրատին:

Ինչպես հայտնի է Հիտլերը քաջատեղյակ էր հայկական ջարդերի պատմությանը և ոգևորված էր այն մտայնությամբ, թե հանցագործությունը արդարացում չի պահանջում: Եվ պատահական չէր, որ արդարացնելով հրեաների և լեհերի ծրագրվող ջարդը՝ 1939 թվականին մա անամոթաբար հայտարարեց. «Ո՞վ է այսօր խոսում հայերի ոչնչացման մասին»: Ցեղասպանության և ողջակիզման ամբողջական պատկերը ներկայացնելու, դասեր քաղելու և այն կանխելու «մախազգուշական համակարգ» ստեղծելու համար Ֆ. Լիթելը մատնանշում է երկու ժողովուրդների ցեղասպանությունների միջև գոյություն ունեցող հետևյալ ընդհանրությունները:

1. Արհամարված և հետապնդվող փոքրամասնության ռազմադարյան պատմությունը:

2. Մեծամասնության մեջ իշխող մշակութակրոնական ցածր մակարդակը, որի ազդեցությունը մարդկանց վրա այնքան էլ գործում չէր, սակայն հանցագործներին ուժ էր ներարկում:
3. Կառավարությունն իբրև գործիք ուներ ուժեղ զաղափարական, քաղաքական շարժում՝ ահաբեկչության ձևով: Այդ շարժման անդամները խստացնում էին ներքին կարգապահությունը և արհամարհական վերաբերմունք ցուցաբերում քաղաքական ամեն մի սահմանափակման հանդեպ:
4. Բազմակարծության (պլյուրալիզմի) թույլ ավանդույթներով մի հասարակության առկայությունը, որին հատուկ էր պաշտոնակարգության (հիերարխիայի) և ռազմական ապարատի միաձուլումը, և որն անհանգիստ փոքրամասնությանը «ներքին թշնամի» որակելով, նրան արտաքին թշնամուց ավելի վտանգավոր էր համարում:
5. Պատերազմական իրավիճակը, որը կառավարողներին գործելու անսահմանափակ հնարավորություն էր ընձեռում, իսկ ազգային փոքրամասնություններին դարձնում էր ավելի անօգնական:
6. Ազգային փոքրամասնության անպաշտպան վիճակը, որը հանգեցնում էր դիմադրելու անկարողության:
7. Գաղափարախոսության փիլիսոփայությունը, որն արդարացնում է բռնությունն ու դաժանությունը, երբ դրանք ծառայում են քաղաքական «մեծ» նպատակի իրագործմանը:
8. Պատասխանատվությունից խուսափելու նպատակով բյուրոկրատական ձևերի (խաբեություն, կեղծիք) օգտագործումը:
9. Արհեստավարժ ռազմական ուժերի քաղաքականացումը:
10. Կառավարական մարմինները և ստորաբաժանումները մոլեռանդներով համալրելը:
11. Ջարդերի ծրագրի իրագործումը պրոֆեսիոնալ հանցագործների միջոցով: (Ինչպես հայտնի է Թուրքիայում Բեհանդդին Շաքիրի գլխավորությամբ ստեղծված «Հատուկ կազմակերպության» մեջ մտած ջարդարարական ջոկատները համալրվեցին բանտերից վաղաժամկետ ազատ արձակված հանցագործներով, որոնց առջև որպես հիմնական խնդիր էր դրված «ղուծել» Հայկական հարցը: Գերմանիայում, Հիմլերի գլխավորությամբ գործող նացիստական կենտրոնական անվտանգության բաժանմունքի միջոցով, 6000 պրոֆեսիոնալ հանցագործներ բանտերից ազատվեցին և ուղարկվեցին համակենտրոնացման ճամբարներ, մասնակցելու հրեաների ողջակիզմանը):
12. Ավարառության և հափշտակության թողտվությունը՝ զոհերին կողոպտելու միջոցով:
13. Պատերազմական գործողությունների ժամանակ, տարբեր ճակատներում կրած անհաջողություններից հետո, ընդհանուր պարտության մոտալուտ վտանգն ուժեղացրեց կոտորածներն ու մոր թափ հաղորդեց ջարդերին:

Ռիչարդ Հովհաննիսյանը, Ֆ. Լիթելի հոդվածի լույս ընծայումից մեկ տարի անց, իր «Հայերի ցեղասպանությունը» ընդարձակ հոդվածում, կրկին անդրադառնում է հայերի և հրեաների ցեղասպանությունների առանձնահատկություններին և ընդհանրություններին:¹⁶ Ելնելով պատմաբանների և սոցիոլոգների ուսումնասիրությունների տվյալներից, նա ևս զուգահեռներ է անցկացնում երկու ժողովուրդների նկատմամբ իրագործ-

ված ոճրագործությունների միջև, նշելով հետևյալ ընդհանրությունները:

1. Ցեղասպանության իրագործումը խոշոր միջազգային կոնֆլիկտի քողի ներքո՝ նվազագույնի հասցնելով օտարերկրյա միջամտության հնարավորությունը:
2. Միակուռ և այլատյաց հանցախմբի կողմից ծրագրի մտահղացումը:
3. Ռասիզմի և էքսթրեմիզմի նպատակներին և արդարացմանն աջակցող գաղափարախոսությունը և այն տարրերի նկատմամբ անհանդուրժողականությունը, որոնք խոչընդոտում էին ուժացմանը կամ չէին նպաստում դրա իրականացմանը:
4. Կուսակցական խիստ կարգապահության և գաղտնապահության առկայությունը:
5. Հատուկ զինված ուժերի ստեղծումը՝ գործողությունների մանրակրկիտ իրականացումն ապահովելու համար:
6. Հասարակության բշտմանքի հրահրումը զոհի հանդիսացող խմբերի նկատմամբ:
7. Թիրախ դարձած խմբերի աներկրա խոցելիությունը, որը, հայերի տարբերակում, ապացուցվում էր դեռևս նախորդ՝ 1894-1896թթ. կոտորածներով:
8. Մեքենայացման և հաղորդակցման առաջավոր միջոցների օգտագործումն՝ անմախաղեպ մանրակրկիտ վերահսկողության և կոորդինացման հասնելու նպատակով:
9. Թալանի խրախուսումը, այն չկիրառող անհնազանդ պաշտոնյաներին աշխատանքից վտարելը և պատժելը, ինչպես նաև զոհերին ապաստան տվող անձանց ահաբեկելը:

Անշուշտ հրեաների սպանդի և հայերի ցեղասպանության միջև զոչություն ունեցող ընդհանրությունների կողքին կան նաև մի շարք տարբերություններ: Հիմնականում դրանք պայմանավորված են օսմանյան թուրքիայում և մացիստական Գերմանիայում առկա հասարակարգերի միջև զարգացման մակարդակների տարբերությամբ:

Կարևոր հանգամանք էր զոհերի նկատմամբ դրսևորվող վերաբերմունքի տարբերությունը: Հրեաները մացիստների կողմից դիտվում էին որպես ցեղային և տնտեսական վտանգ ներկայացնող ազգ: Թուրքերը հայերի մեջ տեսնում էին պոտենցիալ տնտեսական և քաղաքական վտանգ, որը սպառնում էր պանթուրքական պետության ստեղծմանը: Եվ վերջապես՝ մացիստները ստորադաս ազգ էին համարում հրեաներին, իսկ հայերը քնակվում էին օսմանյան տիրապետության տակ գտնվող սեփական հայրենիքում՝ մի տարածքի վրա, որը համարվում էր ժողովրդի կազմավորման քնորրանը:

ԾԱՆՈԹԱԳՐՈՒԹՅՈՒՆՆԵՐ

¹ Խոսքը Հոլոքոստի մասին է:

² Մեծագույն ցնցումը թուրքերի համար. Իսրայելի կրթության նախարարի հայտարարությունը, «Ազգ», 12 մայիսի 2000թ.:

³ Ողբերգությունն այլևս կուլիսների ետևում չէ, «Ազգ», 24 մայիսի 2000թ.:

⁴ Թեւ-Ավիվը չի ճանաչի հայոց ցեղասպանությունը, «Ազգ», 27 մայիսի 2000թ.:

⁵ Բարսեղյան Լ. Ա. Հայոց ցեղասպանության հրապարակայնորեն դատապարտման և ճանաչման ժամանակագրություն (1915-2000թթ.), Երևան, 2001, էջ 76:

- ⁶ Բարսեղյան Լ. Ա. Ամերիկայի Միացյալ Նահանգները, Հայոց ցեղասպանության դատապարտումը և թուրքական հակազդեցությունը, Երևան, 2001, էջ 21-78:
- ⁷ Հակոբյան Թաթուլ. Հայոց ցեղասպանությունը ժխտելով Իսրայելը Հայաստանում ձևավորում է հակահերեական տրամադրություններ, «Ազգ», 13 փետրվարի, 2002թ.:
- ⁸ Դիվանագիտական միջադեպ. Իսրայելի արտգործնախարարության պատասխանը Հայաստանի նոտային, «Ազգ», 19 փետրվարի 2002թ.:
- ⁹ Արձագանքում են իսրայելցիները, «Ազգ», 22 փետրվարի 2002թ.: Նշված մամուլները կարելի է կարդալ [www. Ynet.co _il](http://www.Ynet.co.il) -ում:
- ¹⁰ Իսրայելի դեսպանի հայտարարություններից հետո թուրքերը նոր եռանդով են փորձում մերժել Հայոց ցեղասպանությունը, «Ազգ», 27 փետրվարի 2002թ.:
- ¹¹ Իսրայել Չարնի. Հայոց ցեղասպանությունը ժխտելը համարժեք է Հոլոքոստը ժխտելուն, «Ազգ», 7 մարտի 2002թ.:
- ¹² Richard Hovannisian. Genocide and Denial: The Armenian Case, Proceedings of the International Conference of the Holocaust and Genocide, 1984, p. 84-99.
- ¹³ Նույն տեղում:
- ¹⁴ Franklin H.Little. Holocaust and Genocide: The Essential dialectic, "Holocaust and Genocide Studies", vol. 1, 1987, p. 95-104.
- ¹⁵ Նույն տեղում, էջ 98:
- ¹⁶ Richard Hovannisian. The Armenian Genocide, "Genocide. A Critical Bibliographic Review", London, 1988.

Резюме

Геноцид армян и Холокост евреев – неоспоримые факты: сходства и попытки отрицания.

Лаврентий Барсегян

Официальная политика Израиля ориентирована на турецкую установку отрицания факта Геноцида армян в Османской Турции в начале века.

Желание сохранения тесных стратегических, экономических отношений с Турцией побуждает официальные структуры Израиля квалифицировать эти события лишь как "трагедию, которой должны заняться историки". Между тем, объективная оценка, данная рядом политических деятелей по фактам целенаправленного истребления армян в Османской Турции дает основание полагать, что определенные круги нового поколения Израиля стараются избавиться от комплекса исключительности и достойную позицию государства ставить выше конъюнктурных дипломатических интересов.

Анализируя сходства и различия еврейского Холокоста и армянского Геноцида, в статье еще раз подтверждается необходимость объективного подхода к этой проблеме.

Summary

Armenian Genocide and the Jewish Holocaust are Unrefutable Facts: Similarities and Denial Attempts

Lavrenti Barseghian

The Israel formal policy is generally inclined on to Turkish orientation, trying to eliminate the fact of Genocide of the Armenians by Ottoman Turkey, at the beginning of the 20th century.

As Israel is concerned to keep its strategic and economical connections with Turkey, it is made its formal policy to quality the Armenian

Genocide as such a "Tragedy", which is the subject of only the historical research.

Nevertheless, a number of political thinkers give the above - mentioned Armenian Genocide some true evaluation, which makes possible to suppose that certain circles of Israel's younger generation try to escape "the feeling" of being gentile and prefer the nobler behavior of their state more than its diplomatic interests.

Analyzing the Jewish Holocaust and the Armenian Genocide the present paper emphasizes the necessity of an objective approach to the problem, once again.